

Na osnovu člana 8. Zakona o ministarskim, vladinim i drugim imenovanjima FBiH („Sl. novine FBiH“ broj: 12/03, 34/03 i 65/13) i člana 12. Zakona o javnim preduzećima u Federaciji Bosne i Hercegovine ("Službene novine Federacije BiH" broj 8/05, 81/08 , 22/09 i 109/12) , a u vezi sa članom 257. stav 1. tačka f) Zakona o privrednim društvima („Službene novine Federacije BiH“, broj: 81/15 i 75/21), te člana 27. i 33. Statuta Javnog preduzeća „Tržnica“ d.o.o. Zenica (broj: 02-01-5294/08 od 06.03.2008. godine - OPU: 825/08), Statuta o izmjeni Statuta (broj: OPU:4056/08), Odluke o izmjeni i dopuni Statuta (broj: OPU-IP:24/16), Aneks I Odluke o izmjeni Statuta (broj: OPU-IP: 639/16), Ispravke izvornika Aneks II Odluke o izmjeni Statuta (broj: OPU-IP: 516/17), Odluke o izmjeni Statuta (broj: OPI-IP: 378/20), i Odluke o izmjeni i dopuni Statuta (broj: OPU-IP-324/21), Nadzorni odbor JP „Tržnica“ d.o.o. Zenica na osnovu Odluke broj: 1392/25 od 01.04.2025.godine, raspisuje

**JAVNI OGLAS  
ZA IZBOR I IMENOVANJE DIREKTORA  
JAVNOG PREDUZEĆA „TRŽNICA“ D.O.O. ZENICA**

**1. Predmet javnog oglasa**

Objavljuje se javni oglas za izbor i imenovanje direktora JP "Tržnica" d.o.o. Zenica.

**2. Period na koji se vrši imenovanje**

Izbor i imenovanje direktora vrši se na mandatni period od četiri (4) godine sa mogućnošću ponovnog imenovanja.

**3. Opis pozicije**

Nadležnosti i odgovornosti direktora preduzeća JP „Tržnica“ d.o.o. Zenica regulisane su Zakonom o privrednim društvima, Zakonom o javnim preduzećima i Statutom preduzeća, a prema odredbi čl. 36. Statuta preduzeća posebno za:

- organizaciju i vođenje poslova Preduzeća;
- izvještavanje Nadzornog odbora Preduzeća na njegov zahtjev;
- provedbe Statuta i Etičkog kodeksa, te drugih akata Preduzeća;
- izrada i nadgledanje realizacije planova poslovanja;
- izrada provedbenih propisa za postupak nabavki i provedba važećih zakona i propisa o postupku nabavki;
- priprema prijedloga o raspodjeli dobiti ili pokriću gubitaka;
- zapošljavanje i otpuštanje radnika u skladu sa postupcima utvrđenim u Poslovniku i važećim zakonima;
- odlučivanje o pravima i obavezama radnika iz ugovora o radu i Zakona o radu, Kolektivnog ugovora i Pravilnika o radu;
- predlaže Pravilnik o radu i donosi akte o načinu utvrđivanja odgovornosti radnika za povrede radne obaveze, kao i ostalih općih akata;
- zastupanje Preduzeća prema trećim licima;
- implementacija Etičkog kodeksa u javnom preduzeću;
- staranje i odgovornost za zakonitost rada Preduzeća;

- rukovođenje procesom rada-vrši raspoređivanje radnika;
- drugi poslovi neophodni za nesmetano odvijanje organizacije i vođenja poslovanja Preduzeća.

#### **4. Uslovi za imenovanje direktora:**

Kandidat za poziciju direktora JP „Tržnica“ d.o.o. Zenica mora ispunjavati sljedeće uslove i kriterije:

##### **a) Opći uslovi:**

1. da je državljanin Bosne i Hercegovine;
2. da je stariji od 18 godina;
3. da je zdravstveno sposoban za obavljanje poslova direktora;
4. da nije kažnjavao i da se protiv kandidata ne vodi krivični postupak;
5. da nije otpušten iz državne službe kao rezultat mjere na bilo kom nivou vlasti u BiH , u periodu od 3 (tri) godine prije dana objavljivanja upražnjene pozicije;
6. da se na njega ne odnosi član IX 1. Ustava BiH (da nije pod optužnicom Međunarodnog suda za ratne zločine u bivšoj Jugoslaviji);
7. da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima
8. da nije izabrani zvaničnik, nosilac izvršnih funkcija u smislu Zakona o sukobu interesa u institucijama vlasti BiH i Zakona o sukobu interesa u organima vlasti F BiH;
9. da ne vrši funkciju direktora, člana uprave, predsjednika ili člana Upravnog ili Nadzornog odbora u drugom privrednom društvu ili instituciji;
10. da nema privatni ili direktni i/ili indirektni finansijski interes u JP „Tržnica“ d.o.o. Zenica u smislu člana 14. Zakona o javnim preduzećima;
11. da nije osuđivan za krivično djelo i za prijestup nespojiv sa dužnošću uprave-direktora JP "Tržnica" d.o.o. Zenica, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
12. da nije lice kojem je pravosnažnom presudom Suda zabranjeno obavljanje aktivnosti iz nadležnosti uprave-direktora.

##### **b) Posebni uslovi**

1. da ima visoku stručnu spremu (VSS)-VII stepen stručne spreme, odnosno završeno visoko obrazovanje prvog, drugog ili trećeg ciklusa Bolonjskog sistema studiranja, društvenog ili tehničkog smjera (stečenu po propisima koji su se primjenjivali prije donošenja Okvirnog zakona o visokom obrazovanju u BiH ili koja je stečena prema pomenutom Zakonu a vrednovana sa najmanje 240 ECTS bodova);

2. da nakon sticanja visoke stručne spreme ima najmanje 5 (pet) godina radnog iskustva u struci i spremi, od čega najmanje tri (3) godine na rukovodnim mjestima;
3. da u pisanoj formi ponudi program razvoja Preduzeća za period od četiri (4) godine, koji će biti predmet analize i ocjene u postupku izbora i imenovanja.
4. da kandidat posjeduje certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

### **c) Procjene kvalifikacije i iskustva kandidata**

Procjena kvalifikacije i iskustva kandidata izvršit će se na osnovu ostvarenog dojma o stručnosti i poznavanju radne problematike na usmenom intervjuu sa kandidatom.

## **5. Potrebni dokumenti**

Kandidati su dužni uz potpisanu prijavu na Javni oglas, a koja treba da sadrži kraću biografiju sa kontakt informacijama (adresa, broj telefona i e-mail adresa), priložiti original dokumente ili ovjerene fotokopije dokumenata koji su dokaz ispunjavanja općih i posebnih uslova traženih Javnim oglasom i to:

- a) Izvod iz matične knjige rođenih;
- b) Uvjerenje o državljanstvu i CIPS uvjerenje (ne starije od tri mjeseca od datuma objave Javnog oglasa);
- c) Dokaz o stručnoj spremi (diploma o stečenoj stručnoj spremi odgovarajućeg smjera);
- d) Dokaz o radnom iskustvu (potvrda/uvjerenje poslodavca o radnom iskustvu u struci i spremi nakon sticanja visoke stručne spreme);
- e) Program razvoja Preduzeća za period od 4 (četiri) godine;
- f) Certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).  
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe (izjava ne smije biti starija od tri mjeseca od datuma objave ovog Javnog oglasa);
- g) Izjave ovjerene od strane nadležnog organa o činjenicama nabrojanim u Tački 4. alineja 4. do 12. općih uslova (ne starije od tri mjeseca od datuma objave Javnog oglasa).

Pored navedenih dokumenata, kandidat koji bude izabran na poziciju direktora dužan je, u roku od 8 (osam) dana od dana prijema obavještenja o izboru dostaviti

- Ljekarsko uvjerenje o zdravstvenoj sposobnosti (ne starije od tri mjeseca).

Ako izabrani kandidat ne dostavi uvjerenje u ostavljenom roku, smatrat će se da ne ispunjava uslove iz tačke 4. alineja 3., te će za predmetnu poziciju biti odabran slijedeći kandidat sa liste koji ispunjava uslove.

Kandidat koji bude izabran na poziciju direktora dužan je, u roku od 8 (osam) dana od dana prijema obavještenja o izboru dostaviti Uvjerenja kojim se dokazuje ispunjenost općih uslova iz tačke 4. alineja 4., 11. i 12. koje kandidat treba da ispunjava.

## **6. Opće odredbe**

Podnosioci prijava koji uđu u uži izbor bit će pozvani na intervju u roku od 14 (četrnaest) dana od dan isteka roka za podnošenje prijava.

Pozvani kandidati koji ne pristupe na zakazani intervju, smatraće se da su odustali od oglasa.

Javni oglas će biti objavljen u "Službenim novinama Federacije BiH", dnevnom listu „Oslobođenje“, na službenoj web stranici JP "Tržnica" d.o.o. Zenica i na web stranici Grada Zenica i ostaje otvoren 15 dana od dana posljednjeg objavljivanja.

Prijave sa traženim dokumentima treba dostaviti u zatvorenoj koverti, lično ili preporučeno poštom na adresu:

**JP "Tržnica " d.o.o. Zenica**

**Ulica Maršala Tita 48**

**72 000 Zenica, sa naznakom:**

**"PRIJAVA NA KONKURS ZA IZBOR I IMENOVANJE DIREKTORA JAVNOG  
PREDUZEĆA „TRŽNICA“ D.O.O. ZENICA- NE OTVARATI !"**

Na poledini koverta je obavezno naznačiti ime i prezime i adresu podnosioca prijave.

Nepotpune i neblagovremene prijave neće se razmatrati.

Preduzeće nema obavezu vraćati dokumentaciju dostavljenu uz prijavu na ovaj Javni oglas.

Na osnovu provjere kvalifikacija i iskustva prijavljenih kandidata i obavljenog intervjuja, Komisija za provođenje postupka izbora kandidata na poziciju direktora Preduzeća, putem pisane preporuke, predlaže rang listu najuspješnijih kandidata na daljnji postupak i konačno imenovanje.

Konačno imenovanje direktora Preduzeća, uz prethodnu saglasnost Skupštine preduzeća, vrši Nadzorni odbor.

Sa knadidatom koji bude imenovan na poziciju direktora, Nadzorni odbor će zaključiti ugovor kojim će se regulisati sva prava i obaveze, ovlaštenja, položaj i odgovornosti direktora Preduzeća.

Nakon provedenog postupka izbora, kandidati će biti pismeno obavješteni o rezultatima provedenog Javnog oglasa.

**Nadzorni odbor**

**JP „Tržnica“ d.o.o. Zenica**

---

**Predsjednica: Murisa Tuka**